



# Bájkkeavijssa NuorttaSálto

## Subttsasa riegádime ja jábmema birra sáme sijdajn



Duodastimprosjækta «Riegádimes jábmemij» mij 2009-tjavtja álgeduváj láhpaduvvá dal dán moarmesmáno álmuktjáhkanimijn gánná juohkusa barggo ávddánbuvteduvvá.

Harald O. Lindbach, Else Kleppe ja Lis-Mari Hjortfors li lagábuj 6 máno duodastimprosjevtajn barggam mij le bajásgiessem- ja jábmemdábij birra sáme sijdajn Divtasvuonan ja Hábmerin. Lagábuj 30 ságájdahthema li tjadáduvvam sábmáj ja dárruj. Subtsastiddje le 15 jahkásattjajs gitta 80 jahkásattjajda. Subttsasa ja tjállusa ávdep ájgijs li avijsa, gávva ja jiednabáddima li aj guovdátjin læhkám. Duodden de li avtav dá jagásj konfirmántajs tjuovvum filmmakameráj adjáj.

Prosjevta ulmmen le aj árrum dokumenterit árbbedábálasj sáme diedoht. Dát diehto máhtá buktet ávddán guovdásj árvojt sáme sebrudagán ja aj viessomvuogijt. Máhtti gus dá árbbedábe ja diehto midjij uddni majdik buktet? Ja gáktus de boahhte buolvaj? Ádástuhttem ja láttájduvvam le dahkam nav vaj muhtem dájs dábijs gáhtomin li. Prosjevtas ávddánboahotá jut moadda dábe li iellemin ájn, muhtema vas e desti gávnnu. Moadda árbbedábe le ietjájduvvam, ja muhtema li ihtám.

Tjoahkkimbargos boahotá ávddán jut muhtem dábe ma li jábmema birra ja hávddádimij aktijvuodajs ælla rat rievddam. Diedon tjuovvu jasskavuohta ja oahpes dille dájt dábiht gá ieme láhkáj li.

Mij gullu riegádimejda, de le állo rievddam. Sáme tsaggeiedne ij das gávnnu ja riegádimebájkken le Narvikkka ja Bádáddjo. Konfirmásjávnná le de ájnas. Berraha ja rádna tjáhkani ja ávvodibme máhtá moadda biejeve bissot. Prosjevtas ávddán boahotá moattes li sáme bieljt ietjas iellemin áhtsámin. Gáppte lij vargga gáhtum avtav gaskav. Dálla skulluj láhki vargga gájka gáptijn. Moattes subtsastiddjajs li ietjas konfirmásjávnnáájges Gásluovtan subtsastam. Sábmén Gásluoktaj

vuodnasákkijis láttij sæhkáj boahtet lij sidjij lássát. Gájkka uvsa dábdudijn dahppot, valla ulmutja vuodnasákkijis diehtin guovtev gálmáv goadev gánná uvsa lidjin rahpasa.

Prosjevta birra oatto gullat álmuktjáhkanimen moarmesmáno 31. biejeve Árranin. Gájka li buorisboahotá tjoahkkimbargo birra gulátjit. Ádá gávva aj vuoseduvvi. Moadda dájs árbbedábijs le aj sæmmiláhkáj gá ietjáj viesádij lunna dájs bájkijis.

Buorisboahtem tjáhkanibmáj. Sihtap adjáj gullat majt dij dáj birra javllabihtit.

Anne Kalstad Mikkelsen  
Prosjektajadediddje  
Árran